



Inatsisartunut ilaasortaq Anda Uldum, Demokraatit

**Naalagaaffiit Peqatigiit Meeqqat pillugit isumaqatigiissutaata ukiunik 25-nngortorsiutigineqarnissaa pillugu**

Asasara Anda Uldum

Naalagaaffiit Peqatigiit Meeqqat pillugit isumaqatigiissutaata ukiunik 25-nngortorsiutigineqarnissaa pillugu apeqqutinnut qujanaq.

Naalakkersuisuni Demokraatit inuiaqatigiinni meeqqat pisinnaatitaaffiisa nukittorsarneqarnissaat pillugu Kalaallit Nunaanni annertuumik naalakkersuinikkut isumaqatigiittoqarneranik iluarisimaanerinninnerat isumaqatigaarput.

Naalagaaffiit Peqatigiit Meeqqat pillugit isumaqatigiissutaat meeqqat atugarisaasa oqal-lisigineqalernerannut malunnaatilimmik iluaqutaasimavoq taamaalillunilu peqqinnartumik ineriartornartumillu alliarturnermanni atugarissaarnerulersinniarlugit sulissutiginninnissamut tunngavissiisimalluni. Taamaammatt Kalaallit Nunaanni nunat tamalaat isumaqatigiissutaata ukiunik 25-inngortorsiorneranik malunnartitsinissarput isumaqatigaara.

Erseqqinnerusumik pilersaarusiorneqarnissaa utaqqiimaarneqarpoq.

Ilisimatitsissutigisinnaavara NAKUUSA – Kalaallit Nunaanni Namminersorlutik Oqartus-sat UNICEF-imik suleqateqarnerat – sulissutigisassanik pilersaarusiormat ukiut 25-nngornerata nalliuttorsiutigineqarnissaa immikkut pingaartillugu.

Ilisimavarattaq meeqqat pisinnaatitaaffiinik sulissuteqartoq MIO ulloq malunnartinniar-lugu sammisassarpaalunnik pilersaaruteqarmat soorluttaaq naatsorsuutigigiga meeqqa-nut inuusuttunullu tunngasunik soqutigisaqaqatigiiffiit allat sulissuteqartullu assigiinngi-tsunik ulloq malunnartinniassamaaraat.

Inussiarnersumik inuulluaqqusillunga

Martha Lund Olsen

25. juli 2014  
Suliap nr. 2014-102048  
All. Nr. 1648067

Postboks 260  
3900 Nuuk  
Oqarasuaat (+299) 34 50 00  
Fax (+299) 34 66 66  
E-mail: iian@nanoq.gl  
www.naalakkersuisut.gl